



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

„ვობროჟდენიე“

„ვობროჟდენიე“, ყოველდღიური რუსულენოვანი საზოგადოებრივ-პოლიტიკური და ლიტერატურული გაზეთი. დაარსდა თბილისში 1905 წ. 1 (14) ოქტომბერს და გამოდიოდა 11 (24) დეკემბრამდე (სულ გამოვიდა 45 ნომერი), წლის ბოლოს ადმინისტრაციის გადაწყვეტილებით მისი გამოცემა შეწყდა. 1906 წ. 19 თებერვლიდან (4 მარტი) „ვ.“ კვლავ განახლდა და 25 თებერვლამდე (10 მარტი) გამოვიდა გაზეთის 6 ნომერი. 1906 წ. მარტიდან „ვ.“ გადაიქცა ყოველდღიურ გაზეთ „ვესტნიკ ვობროჟდენიად“ („Вестник возрождения“), რ-მაც 19-იდან 24 მარტამდე (№1-5) იარსება. გამოცემამ დე-იურე იარსება 1906 აგვისტომდე და გაუქმდა გაკოტრების გამო. შემდეგ გამოცემა კვლავ განახლდა 1917-20 წლებში და გაგრძელდა 1921-მდე (რედ. - ა. მდივანი, გამომცემელი - პ. გოთუა). სტრუქტურულად „ვ.“ მკვეთრად განსხვავდებოდა მისი თანამედროვე „კავკაზისა“ და „ნოვოე ობობრენიესაგან“. გამოცემას ახასიათებდა სტრუქტურული სიმარტივე, „ვ-ს“ სტატიათა უმრავლესობა მის რედაქტორს პ. გოთუას ეკუთვნოდა (ფსევდონიმი - „გურიეც“). ფსევდონიმების უმრავლესობა „ვ-ში“ გამიფრული არ არის. ცნობილია მხოლოდ მუდმივ თანამშრომელთა - პ. გოთუას, გ. ლასხიშვილის, პ. გელეიშვილის, ბ. გვაზავას, დ. ყიფიანის ფსევდონიმები და კრიპტონიმები. „ვ-ს“ დაარსებას ხელი შეუწყო ქვეყანაში არსებულმა რევოლუციურმა მოძრაობამ. XX ს. დასაწყისის საქართვე. რუსულენოვანი ჟურნალისტიკის ისტორიაში პ. გოთუას გაზეთი „ვ.“ შევიდა როგორც რევ. გამოცემა, თუმცა იგი არასოდეს ყოფილა ამა თუ იმ პარტიის ან საზ.-პოლიტ. დაჯგუფების ინტერესების გამტარებელი.

ლიტ.: ა ნ ა ნ ი ა შ ვ ი ლ ი ნ., გაზეთ „ვობროჟდენიეს“ (1905-1906 წწ.) ისტორიის ბოგიერთი ასპექტი, «მაცნე», 1993, №1; З е р ц а л о в Г., Библиография русской периодики Грузии, ч. 1 (1828 - 1920), Тб., 1941.
